

廣州大典

陳建華 曹淳亮 主 編

廣州大典

67

第五輯·守約篇叢書
第三冊

廣州出版社

目錄

意林五卷	唐馬總編	一
化書六卷	南唐譚峭撰	七四
公是先生弟子記四卷	宋劉敞撰	九五
郁離子二卷	明劉基撰	一二二
元包經傳五卷	北周衛元嵩撰 唐蘇源明傳 唐李江註 宋韋漢卿音釋	一八二
附元包數總義二卷	宋張行成撰	二〇三
述書賦二卷	唐竇臯撰 唐竇蒙註	二二〇
圖畫寶鑑五卷補遺一卷	元夏文彥撰	二四二
刊誤二卷	唐李涪撰	三一六
蘇氏演義二卷	唐蘇鶚撰	三三一
金華子二卷	南唐劉崇遠撰	三五〇

王文正筆錄一卷	宋王曾撰	三六八
宋景文筆記三卷	宋宋祁撰	三七六
春明退朝錄三卷	宋宋敏求撰	三九四
師友談記一卷	宋李廌撰	四二一
珍席放談二卷	宋高晦叟撰	四三六
卻掃篇三卷	宋徐度撰	四五〇
朝野類要五卷	宋趙升撰	四九一
澄懷錄二卷	宋周密輯	五二〇
離騷經註一卷九歌註一卷	清李光地撰	五三五
離騷草木疏四卷	宋吳仁傑撰	五五〇
樂府古題要解二卷	唐吳兢撰	五八三
主客圖一卷	唐張為撰	六〇二

意林五卷

提要

唐馬總編唐書總本傳但稱其系出扶風不言爲何地人其字唐書作會元而此本則題曰元會均莫能詳也傳稱其歷任方鎮終於戶部尙書贈右僕射諡曰懿陳振孫書錄解題稱總仕至大理評事則考之未審矣初梁庾仲容取周秦以來諸家雜記凡一百七家摘其要語爲三十卷名曰子鈔總以其繁略失中復增損以成此書宋高似孫子略稱仲容子鈔每家或取數句或一二百言馬總意林一遵庾目多者十餘句少者一二言

意林提要

榕園叢書

比子鈔更爲取之嚴錄之精今觀所採諸子今多不傳者惟賴此僅存其概其傳於今者如老莊管列諸家亦多與今本不同不特孟子之文如容齋隨筆所云也前有唐戴叔倫柳伯存二序與文獻通考所載相同唐志著錄作一卷叔倫序云三軸伯存序又云六卷今世所行有二本一爲范氏天一閣寫本多所脫佚是以御題詩有太元以下竟亡之之句此本爲江蘇巡撫所續進乃明嘉靖己丑廖自顯所刻較范氏本少戴柳二序而首尾特完整然考子鈔原目凡一百七家此本止七十一家洪氏載總所引書尙有蔣子譙子鍾子張儼默

記裴氏新書袁淮正書袁子正論蘇子張顯析言子顧子諸葛子陳子要言符子諸書此本不載又通考稱今本相鶴經自意林鈔出而永樂大典有風俗通姓氏篇題曰出馬總意林此本亦並無之合計卷帙當已失其半併非總之原本矣然殘璋斷璧益可寶貴也

意林提要

榕園叢書

原序二首

二聖相師大易光著天地之功立矣經傳之功生焉輔成一德謂之六學漢收秦業其道方興講習訓授之官明君臣父子之體雖禮樂文缺亦足以新忠孝仁義之大綱至如曾孔荀孟之述口蓋數百千家皆發揮隱微羽翼風教祖儒尊道持法正名縱橫立權變通其要崇儉而有別卽口而得序旁行而不流小說去泥而篇簡繁夥罕備于士大夫之家有梁頴川庾仲容略其要會爲子書鈔三十卷將以廣搜採異而立言之本或不求大理評事扶風馬總元會家有子史幼而集錄探其

意林原序

榕園叢書

志趣意必有歸遂增損庾書詳擇前體裁成三軸目曰意林上以防守教之失中以補比事之闕下以佐屬文之緒有疏通廣博潔淨符信之要無僻放拘刻譏蔽邪盪之患君子曰以少爲貴者其是之謂乎余元會之執友故序而記之貞元二十年五月二十一日也撫州刺史戴叔倫撰

子書起于鬻熊六韜盛于春秋六國時莊老道宗起覆載之功橫視日月之照高視六經爲天下式故絕于稱言矣墨翟大賢其旨精儉教□□名亞孔聖至矣□□管晏交□□□□□□□□□□□□□□□□

可謂庶矣而部帙繁廣尋覽頗難梁朝庾仲容鈔成三帙汰其沙石籤其粃糠而猶蘭蓀雜于蕭艾璠璣隱于璞石扶風馬總精好前志務于簡要又因庾仲容之抄略存爲六卷題曰意林聖賢則糟粕靡遺流略則精華盡在可謂妙矣隋代博陵李文博撻掇諸子編成理道集十卷唐永興公虞世南亦採前史著帝王略論五卷天后朝宰相朱翼祖則又述十代興亡論一帙洎扶風意林究子史大略者蓋四人意矣予扁舟塗水留滯廬陵扶風爲余語其本尙且曰編錄所取先務于經濟次存作者之意罔失篇目如面古人子懿馬氏之作文約

意林原序

榕園叢書

趣深可謂懷袖百家掌握千卷之子用心也遠乎哉旌其可美述于篇首俾傳好事貞元丁卯歲夏之晦文廢叟河東柳伯存重述

意林目錄

卷一

鬻子一卷

太公金匱二卷

太公六韜六卷

曾子二卷

晏子八卷

子思子七卷

孟子十四卷

管子十八卷

道德經二卷

荀卿子十二卷

魯連子五卷

文子十二卷

鄧析子一卷

范子十二卷

胡非子一卷

墨子十六卷

意林目錄

纏子一卷

隨巢子一卷

尸子二十卷

韓子二十卷

卷二

列子八卷

莊子十卷

鶡冠子三卷

王孫子一卷

申子三卷

慎子十二卷

燕丹子三卷

鬼谷子五卷

尹文子二卷

公孫文子一卷

陸賈新書二卷

晁錯新書三卷

賈誼新書八卷

呂氏春秋二十六卷

卷三

淮南子二十二卷

鹽鐵論十卷

說苑二十卷

新序三十卷

法言十五卷

太元經十卷

新論十七卷

論衡二十七卷

正論五卷

潛夫論十卷

卷四

風俗通三十一卷

商君書四卷

阮子四卷

正部十卷

意林目錄

士緯十卷

通語八卷

抱朴子四十卷

卷五

周生列子五卷

荀悅申鑒五卷

仲長統昌言十卷

典論五卷

魏子十卷

人物志三卷

任子十卷

篤論四卷

體論四卷

傅子一百二十卷

太元經十四卷

化清經十卷

鄒子一卷

成敗志三卷

古今通論三卷

中論六卷

唐子十卷

秦子二卷

梅子一卷

物理論十六卷

意林目錄

三 榕園叢書

意林卷一

守約齋叢書

唐馬總撰

鬻子一卷

藝文志云名熊著子十二篇今一卷六篇

發政施令爲天下福謂之道上下相親謂之和不求而得謂之信除天下之害謂之仁信而能和者帝王之器聖王在位百里有一士猶無有也王道衰千里一士則猶比肩也

知善不信謂之狂知惡不改謂之惑

昔文王見鬻子年九十文王曰嘻老矣鬻子曰若使臣捕虎逐麋臣已老矣坐策國事臣年尙少

意林卷一

一 榕園叢書

太公金匱一卷

武王問太公曰殷已亡其三人今可伐乎太公曰臣聞之知天者不怨天知己者不怨人先謀後事者昌先事後謀者亡且天與不取反受其咎時至不行反受其殃非時而生是爲妄成故夏條可結冬冰可釋時難得而易失也

武王平殷還問太公曰今民吏未安賢者未定如何太公曰無故無新如天如地得殷之財與殷之民共之則商得其賈農得其田也一目視則不明一耳聽則不聰一足步則不行選賢自代上下各得其所

武王問五帝之戒可得聞乎太公曰黃帝云予在民上
搖搖恐夕不至朝故金人三緘其口慎言語也堯居民
上振振如臨深淵舜居民上兢兢如履薄冰禹居民上
慄慄如恐不滿湯居民上翼翼懼不敢息

道自微而生禍自微而成慎終與始完如金城

行必履正無懷僥倖履書思之須臾乃全汝軀鋒書刀利皚

皚無爲汝開刀書源泉滑滑連旱則絕取事有常賦斂有

節井書

太公六韜六卷

文王曰君務舉賢不獲其功何也太公曰舉而不用是

意林卷一

二 榕園叢書

有求賢之名而無用賢之實也文王曰舉賢若何太公
曰按賢察名選才考能名實俱得之也

文王曰國君失民者何也太公曰不慎所與也君有六

守三寶六守者仁義忠信勇謀三寶者農工商六守長

則君安三寶完則國昌

國柄借人則失其威淵乎無端孰知其源涓涓不塞將

成江河兩葉不去將用斧柯熒熒不救炎炎奈何天下

非一人天下天下之天下也取天下者若逐野鹿而天

下共分其肉

太公云伏羲神農教而不誅黃帝堯舜誅而不怒

聖人恭天靜地和人敬鬼

文王在岐召太公曰吾地小奈何太公曰天下有粟賢
者食之天下有民賢者收之屈一人下伸萬民上惟聖
人能行之

冠雖敝加于首履雖新履于地

武王問太公曰士高下有差乎太公曰人有九差惡口
舌爲眾所憎夜臥早起此妻子之將知人饑渴習人劇
易此萬人之將戰戰慄慄曰慎一日此十萬之將知天
文悉地理理四海如妻子此天下之主
軍中之事不聞君命

意林卷一

三 榕園叢書

武王問太公曰吾欲令三軍親其將如父母攻城則爭
先登野戰則爭先赴聞金聲而怒聞鼓聲而喜可乎太
公曰作將冬日不服裘夏日不操扇天雨不張蓋慢出
隘塞過泥塗將先下步軍未舉火將不食士非好死而
樂傷其將如飢寒勞苦也

用兵之害猶豫最大赴之若驚用之若狂當之者破近
之者亡使如疾雷不暇掩耳也

貧窮忿怒欲決其志者名曰必死之士辯言巧辭善毀
善譽者名曰閒謀飛言之士

曾子二卷

君子愛日以學及時而成難者不避易者不從且就業
夕自省可謂守業年三十四十無藝則無藝矣至五十
不以善聞則無聞矣

鄙夫鄙婦相會于牆之陰可謂密矣明日或有知之故
士執仁與義莫不聞也

蓬生麻中不扶自植白沙在涅與之皆黑君子之遊莖
乎如入芝蘭之室久而不聞則與之化矣小人之遊戲
就也與君子遊如日之長加益而不自知也與小人遊
如履薄冰幾何而不行陷乎

意林卷一

四

榕園叢書

天圓地方則是四角不掩也聞之夫子曰天道曰圓地
道曰方

晏子八卷

景公作臺臺成欲復作鐘晏子諫曰斂民作鐘民必哀
斂哀以謀樂不祥

景公嬖妾死名曰嬰子公守之三日不食膚著于席而
不去晏子曰外有良醫將作鬼神之事公信之屏而沐
浴晏子令棺入殮死者公大怒晏子曰已死不復生公
乃止孔子曰星之昭昭不如日月變變

景公時雨雪三日被狐白之裘坐于堂側謂晏子曰三

日雨雪天下何不寒晏子曰夫賢君飽則知人飢溫則
知人寒公乃去裘

冠足以修敬不務其飾衣足以掩形不務其美士事不
文木事不鏤足以示民也

景公曰吾欲霸諸侯若何晏子曰官未具也臣聞仲尼
處陋巷廉隅不正則原憲侍志意不通則仲由侍德不
辱察德不辱今本晏子作德不盛行不厚則顏回侍今君未有能侍故未
具也

君擇臣使之臣雖賤亦擇君事之

一心可以事百君百心不可以事一君

意林卷一

五

榕園叢書

晏子治阿三年毀閭于國景公召而問之對曰嬰築蹊
徑急門閭之政淫民惡之舉儉罰偷惰民惡之決獄不
畏強貴強貴惡之左右取求非法不予左右惡之事貴
人不能過禮貴人惡之是三邪毀于外二讒去乎內臣
請改轍更治三年必有譽也

景公病水數十日夢與二日鬪而不勝使占夢者占之
占者至門晏子使對曰公病陰也與二日鬪日陽也不
勝疾將退也三日而愈公賞占夢者占夢者辭曰晏子
之力也公問晏子曰臣若自對則不信也

景公病疽在背欲見不得問國子國子曰熱如火色如

日大如未熟李也公問晏子晏子曰色如蒼玉大如璧公曰不見君子不知野人之拙也

晏子使楚楚王令左右縛一人作盜者過王問何處人也對曰齊人也王視晏子齊國善盜乎晏子曰橘生江南江北則作枳地土使然也今民生長于齊不盜入楚則盜臣不知也楚王自取弊

晏子使楚楚王以晏子短作小門于大門之側晏子曰往詣狗國從狗門入今來使入楚不可從狗門入也遂大門入

楚王問齊之臨淄都無人耶對曰臨淄三百閭張袂成帷揮汗成雨比肩繼踵何容無人也

曾子將行晏子送之曰贈人以財不若以言案今本晏子作贈人

以軒不若以言

和氏之璧井里璞耳良工修之則成國寶習俗移性可不慎乎

晏子歿後十有七年景公射諸侯大夫皆稱善公曰自晏子歿後不復聞不善之事弦章對曰君好之則臣服之君嗜之則臣食之尺蠖食黃則黃食蒼則蒼是也公曰善吾不食諂人之言也以魚五十車賜弦章固不受是弦章有晏子之遺行也

意林卷一

六

榕園叢書

子思子七卷

慈父能食子不能使知味聖人能悅人不能使人必悅國有道以義率身無道以身率義苟息是也

言而信信在言前令而化在令外聖人在上而遷其化

終年爲車無一尺之軫則不可馳案一尺之軾據考工記考定從御覽改

百心不可以得一人一心可得百人

君本也臣枝葉也本美而葉茂本枯則葉凋

君子不以所能者病人不以人之不能者愧人

小人溺于水君子溺于口也

意林卷一

七

榕園叢書

繁于樂者重于憂厚于義者薄于行見長不能屈其色見貴不能盡其辭雖有風雨吾不入其門也

君子以心導耳目小人以耳目導心

孟子十四卷

蜀郡趙臺卿作章句章句曰指事

孟子謂惠王曰虐政殺人何異刃耶庖有肥肉廄有肥馬民有飢色野有餓殍此謂率獸食人且人惡之况虐政乎

敬老愛幼推心于民天下運掌中也故推恩足以保四海不推恩不足以保妻子

孟子云齊人譏管晏

此八字有誤馬驥驥史因之案譏當作識蓋刪改子誠齊人也一節

之文舊在不
如待時下誤

雖有智慧不如乘勢雖有鎡基不如待時飢者易爲食渴者易爲飲若久塗炭則易政如渴不擇飲也

宋人有閔其苗不長揠拔之使其長其子趨而視之苗則稿矣非但無益乃有害也

見孺子入井非孺子之父母亦有惻隱之心無惻隱之心非人也無羞惡之心亦非人也無辭讓之心亦非人人無是非之心亦非人也

孟子云子路告之有過則喜禹聞善人則拜

意林卷一

八 榕園叢書

枉己者未能直人當以直矯枉若自曲何以正人

景春曰公孫衍張儀豈不誠大丈夫一怒而諸侯懼安居而天下息孟子曰是焉得爲大丈夫乎富貴不能淫貧賤不能移威武不能屈此之謂大丈夫

天子不仁不保四海諸侯不仁不保社稷士不仁不保四體今惡死亡而樂不仁猶惡醉而強酒

民之歸仁猶水就下

存乎仁者莫良于眸子眸子不能掩其惡胸中正則眸子瞭焉胸中不正則眸子眊焉

淳于髡曰男女不親授受若嫂溺援之手乎孟子曰若

不援豺狼也天下溺則援之以道嫂溺必援以手

子產以其乘輿濟人于溱洧孟子聞之曰不知政也不如以時修橋梁

案句本
趙注

齊人有一妻一妾其良人出行則饜飽而反欺其妻云與富貴人共飲食耳夫出妻後伺之見乞人祭餘食之妻乃告妾相與泣於中庭其夫自外來不知猶驕其妻妾由君子枉道得富貴而驕人也

非其道伊尹不以一芥與人亦不取一芥於人在野曰草莽之臣在國曰市井之臣

性猶湍水決東則東決西則西

意林卷一

九 榕園叢書

白羽白性輕白雪白性消白玉白性貞雖俱白其性不同也

案此馬參用趙
岐劉熙二家注

冬日飲湯夏日飲水

欲問寒暑
者中心也

仁義忠信樂善不倦天爵也公卿大夫士爵也古之人修天爵而人爵從之今之人修天爵以要人爵得人爵棄天爵終亦亡矣

孟子曰仁之勝不仁也猶水勝火今之爲仁者猶一杯水救一車薪之火也不熄則謂水不勝火此又與於不仁之甚者也亦終必亡而已矣

君子有三樂父母俱存一樂仰不愧天俯不忤人二樂

得天下英才而教育三樂

雞鳴而起孜孜爲善者舜之徒也雞鳴而起孜孜爲利者蹠之徒也

九仞無泉猶棄井也

古人之關禦暴今之關爲暴今之關出

惡似而非者惡莠亂苗惡佞亂義惡利口亂信惡鄭聲亂雅樂惡紫亂朱惡鄉愿亂德

堯至湯湯至文王文王至孔子孔子至孟子各五百餘歲案孔子至孟子纔百餘歲當依原書

管子十八卷

意林卷一

十 榕園叢書

倉庫實知禮節國多財遠者來衣食足知榮辱

野無積草府無積貨市不成肆朝不合眾治之至也觀其交遊則賢不肖可察

一年之計莫若樹穀十年之計莫若樹木終身之計莫若樹人

爵祿滿則忠衰室富足則行衰釜鼓滿則人概之人滿則天概之故先王不滿也

凡赦者小利而大害故久而不勝其害無赦小害而大利久而不勝其福惠者多赦先易後難法者無赦先難

後易惠者民之仇讐法者民之父母

堂上遠于百里有事十日而君不知堂下遠于千里有事一月不知門庭遠于萬里有事期年不聞

桓公謂管仲曰寡人有大邪三不幸好畋晦夜從禽不

反一不幸好酒日夜相繼二寡人有汙行不幸好色姑姊妹有未嫁者三管仲曰惡則惡矣非其急也人君惟

不愛與不敏不可耳不愛則亡眾不敏則不及事地大而不耕非其地卿貴而不仁非其卿民眾而不親

非其民

無翼而飛者聲也無根而固者情也公但謹聲耳

齊水躁而復故民貪而勇楚水溺而清其民輕果好賊

意林卷一

十一 榕園叢書

越水濁而重其民疾妒秦水汙案汙舊作汙據本書而注秦水絕汙今改

滯其民貪戾晉水滯而雜其民好詐宋水勁而清其民簡易

先王治國威不兩措政不二門有法度之制者不可巧以詐僞有權衡之稱者不可欺以輕重有尋尺之數者

不可差以短長也

桓公問廐吏何事最難吏未答管仲曰臣嘗作圉人惟

傳馬棧最難先傳曲木則直無所施先傳直木則曲無所施

楚王好小腰美人省食吳王好劍國士輕死故主好官

室則工匠巧主好文彩則女工靡

冬曰不盟非愛水也夏日不煬非愛火也為不適于身

明王不治宮室非愛小也為傷于本事而妨于教也利

之所在雖千仞之山無所不上深泉之下無所不人商

人通賈倍道兼行夜以繼日千里不遠利在前也漁人

入海海水百仞衝波逆流日夜不出利在水也

蛟龍得水而神力人主得民而威成海不辭水故能成

大山不辭土故能成高主不厭人故能成眾士不厭學

故能成聖

烏合之眾初雖有權後必相吐雖善不親也殺生之柄

意林卷一

三 榕園叢書

不制于主而在羣下此寄生之主也

五穀民之司命黃金刀幣民之通施

農有常業女有常事一農不耕民有飢者一女不織民

有寒者

桓公謂管仲曰吾欲伐楚楚強不可下如何曰公但鑄

錢于莊山往楚貴市生鹿楚王聞之喜必廢農而獵鹿

公藏粟五倍楚足錢而無粟公閉關楚降者十分有四

道德經二卷

生而不有為而不恃元炁生萬物不有挫其銳解其紛

銳進也人欲銳慎進取功名當挫止之法道不自見也紛結限也當念道尤上解釋也和其光雖

獨見之明當如暗同其塵當與眾同垢多言數窮口開

昧不曜亂人也不如守中精神愛氣希言也聖人後其身而身

先後身已天下外其身而身存如父母神而人愛之

赤子故身外金玉滿堂莫之能守財多累身富貴而驕

而長存也自遺其咎夫富當賑貧貴當憐賤絕仁棄義民復孝慈

德化絕巧棄利盜賊無有上化公正曲則全不自專則

全枉則直枉屈已而伸人少則得受少則得多多則惑

財多者惑于守身善行無輟跡善行者求之身不下善

學多者惑于所聞善行無輟跡堂不出門故無輟跡善

言者無瑕謫故無瑕謫知足者富知足者則長保死

而不妄者壽則無怨于天下故能長壽也將欲喻之

必固張之先開張之欲將欲弱之必固強之先強大之

將欲廢之必固興之先興之將欲奪之必固與之先與

貪心也是謂微明此四事其道失道而後德德生失德

而後仁德衰見失義而後禮義衰即施禮夫德者忠信

之薄禮廢本治末忠而亂之首禮廢質貴文故正直貴

必以賤為本言欲尊貴當以賤為本馬稷射高必以

下為基言欲高立先以下為基如築牆造功上士聞道

勤而行之中士聞道若存若亡下士聞道大笑之不笑

不足以為道不為下士笑明道若昧明道之人若暗進

道若退進取道者夷道若類夷平也大道之人不上德

若谷若深谷不廣德若不足德行廣大之人大方無隅大方正之人無大器晚成成器之人有大音希聲雷電待時而動喻大象無形大德無形名與身孰親則名遂益推讓必遠益之而損損高者崩貪名與身孰親則身退身與貨孰多財多則得與亡執病則利甚愛必大費甚愛色費精神甚愛財則多藏必厚亡多藏必厚亡生藏于府庫死多藏于邸基生有大成若缺缺者減名藏大巧若拙其然大辯若納知無疑不出戶以知天下已身知人身以不窺牖以見天道天道與其出彌遠其知彌少謂去其家觀人家去其身觀人為學日益禮樂之

意林卷一

五

榕園叢書

學情欲文為自然之道損之又損以至于無為無為而無不為情欲斷絕德與道合則善者吾善之不善者吾亦善之道使就善信者吾信之不信者吾亦信之亦以善攝生者陸行不遇兕虎遠避入軍不被甲兵塞其兌兌目也閉其門門口也終身不勤勤身也開其兌視情濟其事濟益情終身不教禍亂大道甚夷而民好徑徑邪不善建者不拔善以道建身建而拔知者不言行也言者不知言多患也其政悶悶音門政教寬大其民淳淳淳淳厚其政察察政急疾言其民缺缺民不聊生缺缺直而不肆肆申也聖人其身缺缺日以疏薄也直而不肆雖直曲已從

人不光而不耀雖有燭見之明深根固蒂長生久視之自申人以氣作根以精作蒂如樹根不深則枝葉不堅則道落言能深藏固氣守精無不泄漏乃長生久視之道以通蒞天下者其鬼不神鬼不敢于非其鬼不神其神不傷人聖人在位不傷害夫兩不相傷故德交歸焉能治于陽全其性命鬼治得于陰保其精神故德交歸也人之不善何棄之有當以民而德化之厚也故立天子置三公欲化不報怨以德終身行善絕圖難于易圖難事先于夫輕諾必寡信多易必多難患也其安易持治國治身安靜其未兆易謀為之于未有治之于未亂以智治國國之福邪節上下相親威福乃是國之賊不以智治國國之福

意林卷一

五

榕園叢書

君臣善為士者不武貴道德不善戰者不怒善以道戰同力胸絕禍于未代大匠斲者希有不傷其手矣刑罰猶拙人代大匠斲則方圓不得其理還自傷代天殺者失紀綱不得其紀綱還受其殃也天之道損有餘而補不足以中和是尚人之道則不然損不足以奉有餘世俗之人損貧以奉鄰國相望雞犬之聲相聞民至老死不相往來欲也知者不博博者不知一則不必博多見聞失要真故不知

荀子十二卷三十

青出于藍而青于藍冰生于水而寒于水君子居必擇鄉遊必擇士防邪僻也

肉腐生蟲木枯生蠹驕慢在身災禍作矣

君子之學入乎耳著乎心布乎四支動靜皆可法則小人之學入乎耳出乎口口耳之間才四寸耳何足以美七尺之軀

大驥一日千里驚馬十駕則亦及之窮無窮極無極也跬步不休跛鼈千里累土不輟邱山崇成

天不言人推其高地不言人歸其厚四時不言百姓期焉與人善言煖如錦帛與人惡言深於矛戟

三不祥幼而不肯事長賤而不肯事貴不肯事賢是也

意林卷一

六 榕園叢書

枉木而求直影猶不能察明而務見幽也

伯樂不可欺以馬君子不可欺以人

川泉深而魚鼈歸之山林茂而禽獸歸之刑政平而百姓歸之禮樂備而君子歸之

天行有常不為堯存不為桀亡

淺不足以測深愚不足與智謀埒井之蛙不可與語東海之樂

聖人無兩心天下無二道

鳥獸失亡其匹越月逾時必反過故鄉徘徊鳴號躑躅踟躕然後去何況人乎

妻子具而愛衰于親爵祿盈而忠衰于君唯聖及賢者不然

歲不寒無以知松柏事不難無以知君子

荀卿子名況齊宣王時人春申君再請作蘭陵令因家焉為李斯師卒於蘭陵

魯連子五卷

白刃交前不救流矢急不暇緩也

財者君之所輕死者士之所重君不能以所輕與士欲得士之所重不亦難乎

百足之蟲斷而不蹶持之者眾也

意林卷一

七 榕園叢書

人心難知于天天有春夏秋冬以作時人皆深情厚貌以相欺

不知宜與不宜將以錦純薦不知時與不時猶冬耕也

文子十二卷

周平王時人師老君

齒堅於舌而齒先敝剛強者死之徒柔弱生之幹先唱者窮之路後動者達之源

立井而飲耕田而食不布施以求德不高下以相傾此古人之德也

河不滿溢海不湧波景雲見黃龍下祥風至醴泉出聖

人順天道也晝冥夜光山崩川涸冬雷夏霜此國之將亡也

水濁則魚噉政苛則國亂上多欲下多詐

冬日之陽夏日之陰萬物歸之而莫使

皋陶暗而爲大理天下無虐刑何貴言乎

君子猶射差此毫末於彼尋丈

量腹而食度形而衣節乎己者貪心不生

神者智之淵神清則智明智者心之府智公則心平精

神難清而易濁猶盆水也清之終日乃能見眉睫不過

一撓卽不能見方圓也

意林卷一

六 榕園叢書

山生金反自刻木生蠹還自蝕人生事還自賊

善游者必溺善騎者必墜

使信士分財不如探籌使廉士守財不如閉戶全封有

心於平不如無心之不平

上學以神聽之學在骨髓矣中學以心聽之學在肌肉

矣下學以耳聽之學在皮膚矣

鐸以聲自毀膏以明自煎

一淵無兩蛟有必爭

得鳥者羅之一目一目之羅不可得鳥

欲取魚者先通於谷欲來鳥者先樹於木水積魚聚木

茂鳥集

目見百步之外不能自見其背

水之勢勝火一杓不能救一車之薪金之勢勝木一刃

不能殘一林土之勢勝水一塊不能塞一河

飢馬在廐寂然無聲投芻其旁爭心乃生

日月欲明浮雲翳之河水欲清沙土穢之叢蘭欲茂秋

風敗之人性欲平嗜欲害之

濟弱者以金石不如尺索

花太早者不須霜而自落

入水憎濡懷臭求芳不可得也

意林卷一

九 榕園叢書

乳犬噬虎伏雞捕狸

冶不能銷木匠不能斲冰

金石有聲不扣不鳴簫管有聲不吹不聲

事者難成而易敗名者難立而易廢

往古來今謂之宙四方上下謂之宇

孔子無黔突墨子無煖席非其貪祿慕位欲爲天下除

害耳

獸窮則觸鳥窮則啄人窮則詐

人主之有民猶城之有基本之有根根深則本固基厚

則土安